

tempus nondum elapsum duratura per nos concessa fuerit, praesentes litterae nullius existant roboris et momenti. Datum Romae apud sanctum Petrum VII. Idus Februarii pontificatus nostri anno quarto decimo.

R^{ta} Gratis.

Aussen: Notariatszeichen.

Jo. Gremis.

Nach dem Orig. im Stiftsarchiv zu Meissen mit dem Bleisiegel an rothen und gelben seidenen Fäden.

No. 769. 1403. 24. Mai.

Otto von Koldicz beurkundet vom B. Thimo mit Genehmigung des Capitels das Schloss Nossen mit Zubehör unterpfändlich auf sechs Jahre erhalten zu haben.

Wir Otto von Koldicz bekennen vor vns vnde allen vnsir nochkomeligin vnde thun kund in desern offnen briffe allen, dy en sehen adir horen lezen, das der erwirdige in gote vater vnde herre her Thime bisschoff czu Misen sin slos Nussen mit wissin vnde willin vnde vorrate synes capitels czu Missen mit dem vorwerke wingarten hoppegarten pfennyngc czinse czolle vnde gerichte, mit allen synen czugehorungen wy dy namen gehabin mogin, besucht adir vnbesucht, alz sy sine vorvarn bisschoffe czu Missen bisher besessin vnde gehat haben an phenningen gulde vnd czinse, dy vff vir vnde drissig schog nuwer grosschin Friberger muncze ierlicher gulde treten, vnd sechs iar vorsaczt hat vor funfthalbhundirt guldin vnd vor nunczen guldin ane czwelf grosschen vngerischer adir ducaten gutis gewichtis dy wir gereit bezalt habin, usgenomen das holcz das czu dem slosse Nussen gehort, das her ym ader synen nochkomeligin vnuorsaczt behaldin wil, vnd was ich holcz dorff czu verbuwin adir czu vorburnen zcu dem slosse Nussen, das sal her nemen in der Czeller walde, alzo das das holcz das czu Nussen czu gehort vngeergert vnde vngeymnert blibe ane geuerde. Was ouch der obgenanten vir vnde drißig schog gebreche an czinse adir an czolle, dy sal her vns adir syne nochkomelinge bisschoffe czu Missen vs syner kammer adir andirswa an gewisse czinse beweysin ierliche dy wyle Nussen das slos vnsir pfant ist. Ouch had her em behaldin sin geistlich lehin vnd mannelehen vnuorsaczt ym vnde synen nochkomeligen bisschoffen czu Misen, vnde wen er adir syne nochkomelinge bisschoffe das slos Nussen weder lossin wollin, wenne dy sechs iar vsgegangen weren, so sal her vns dy losunge ufsagen vnde vorkundigen vor eyne virteil iar vnd deme dornoch dy losunge thun in dryen monden, dy nehst noch enandir volgen vnuorzoglich vnd ane arg. Vnde were ouch, das wir vnsirs geldis durffen wordin, so sulle wir ym synen nochkomeligin glich ein virteil iar verkundigen die losunge vnde vff sagen, so sal her vns das gelt in drien monden ouch nehst noch enandir folgende gutlichin gebin vnd bezalin, als vorgeschrebin stet ane arg. Vnde wir sullen ouch obir winter vnd obir somer den ackir vnde das vorwerg alzo wol vnd alzo vil bericht vnd besat laßen, alz vil alz wir funden han. Ouch sullen wir ym das slos mit allen rechten vnd gewonheiten wedir entworten noch der losunge als wirs iczunt vinden noch vswysunge der briffe, dy dor obir gegeben sint. Is ist ouch mit namen gereth, das vnser herre der bis-